

卷十五

毛詩卷第一

周南關雎詒訓傳第一

毛詩國風

鄭氏箋

關雎后妃之德也風之始也所以風化天下
 而正夫婦也故用之鄉人焉用之邦國焉風
 風也風以動之教以化之詩者志之所
 之也夫心為志發言為詩情動於中而形於
 不足故嗟歎之嗟歎之不足故求歌

書名 毛詩二十卷 慶長中古活字印本
 撰者 漢 毛亨 傳 漢 鄭玄 箋
 卷 卷十五
 內容分類 經 詩 前漢
 索書號 貴重-23
 編號 A135100

彩色首頁1

東洋文化研究所漢籍目錄 編號: A135100
 東洋文化研究所漢籍目錄所藏漢籍善本文影像資料庫 索書號: 貴重-23
 漢籍善本文影像資料庫 文本 毛詩二十卷 慶長中古活字印本
 版權所有: 東京大學 東洋文化研究所
 使用上的注意事項



毛詩卷第十四

魚藻之什 詒訓傳第二十二

毛詩卷第十五

魚藻之什 詒訓傳第二十二

毛詩小雅

鄭氏箋

魚藻刺幽王也言萬物失其性王居鎬京將

不能以自樂故君子思古之武王焉萬物失其性者

王政衰陰陽不和羣生不得其所也將不能以自樂言必自是有危亡之禍

魚在在藻有頌其首頌大首貌魚以依蒲藻為得其性箋云藻水草

也魚之依水草猶人之依明王也明王之時魚何所處乎處於藻既得其性則肥充首頌

然大也此時人物皆得其所正王在在鎬豈

言魚者以潛逃之類信其著見王在在鎬豈

樂飲酒箋云豈亦樂也天下平安萬物得其性武王何所處乎處於鎬樂八音之

樂與羣臣飲酒而已今幽王惑於褒姒萬物失其性方有危亡之禍而亦豈樂飲酒於鎬

京而無悛心魚在在藻有莘其尾莘長貌王在

在鎬飲酒樂豈魚在在藻依于其蒲王在在鎬有那其居箋云那安貌天下平安無四方之虞故其居處那然安也

魚藻三章章四句

采菽刺幽王也侮慢諸侯諸侯來朝不能錫

命以禮數徵會之而無信義君子見微而思

古焉幽王微會諸侯為合義兵征討有罪既而無之是於義事不信也君子見其如

此知其後必見攻伐將無救也

采菽采菽筐之筥之興也菽所以荅大牢而待君子也羊則以苦豕

則以薇箋云菽大豆也采之者采其葉以為藿三牲牛羊豕芼以藿王饗賓客有牛俎乃

用劔羹故使采之君子來朝何錫予之雖無予之路

車乘馬君子謂諸侯也箋云賜諸侯以車馬言雖無予之尚以為薄又何

予之玄衮及黼玄衮卷龍衣也白與黑謂之黼箋云及與也玄衮玄衣而

畫以卷龍也。黼黼黻謂絺衣也。諸公之服自衮冕而下，侯伯自鷩冕而下，子男自毳冕而下。王之賜維，虜沸檻泉言采其芹。虜沸泉出，用有文章者。貌檻泉正。

出也。箋云：言我也。芹菜也可以為菹，亦所以待君子也。我使采其水中芹者，尚絮清也。周禮：芹，蒹。君子來朝，言觀其旂，其旂淠淠，鸞聲。

鴈醢。淠淠，動也。皤皤，中諸侯來朝于王，使人迎之，因觀其衣服車乘之威儀，所以為敬。且首襜褕也。諸侯將朝于王，則駟乘乘駟馬而往，此之服飾。君子法制之極也。言其尊而王今不尊也。赤芾。

在股邪幅在下，彼交匪紓，天子所予。諸侯赤幅，幅也。所以自幅束也。紓，緩也。箋云：芾大古蔽膝之象也。冕服謂之芾，其他服謂之鞞。以韋為之，其制上廣一尺，下廣二尺，長三尺，其頸五寸，肩革帶博二寸，脛本曰股，邪幅如今行膝者也。幅束其脛，自足至膝，故曰在下。彼與人交接，自幅束如此，則非有懈怠紓緩之心。天子以是故樂只君子，天子命之樂只君賜予之，以此也。

子福祿申之。申，重也。箋云：只之言是也。古者命予之也。天子賜諸侯以禮樂，樂之乃後重之，所謂人謀鬼謀也。刺今王不然。維柞之枝，其葉蓬蓬。蓬蓬，盛貌。箋云：此興也。柞之幹蓬，喻賢才也。正以柞為興者，柞之葉新將生，故乃落於地，以喻繼世以德相承者明也。

不許複製

樂只君子レ殿天子之邦レ樂只君子レ萬福攸同レ

也レ殿鎮也平平左右亦是率從率循也諸侯之有

賢才之德能辯治其連屬之國使レ汎汎揚舟汎汎揚舟

得其所則連屬之國亦循順之也汎汎揚舟汎汎揚舟

紼纚維之紼纚也纚纒也古明王能維持諸

汎然東西無所定舟人以紼繫其纒以レ樂只樂只

制行之猶諸侯之治民御之以禮法也樂只樂只

君子天子葵之樂只君子福祿膍之膍揆也

優哉游哉亦是戾矣戾至也箋云戾止也諸

安止於是言思不出其位采菽五章章八句

角弓父兄刺幽王也不親九族而好讒佞骨

肉相怨故作是詩也也駢駢角弓翻其反矣興也駢駢調利也不善

箋云興者喻王與九族不以恩禮御待之則使之多怨心也兄弟昏姻無

胥遠矣箋云胥相也骨肉之親當相親無相

怨爾之遠矣民胥然矣爾之教矣民胥效矣疏遠相疏遠則以親親之望易以成

箋云爾女女幽王也胥皆也言王女不親骨肉則天下之人皆如之女之教令無善無惡

所尚者天下之人皆學之
言上之化下不可不慎
此令兄弟綽綽有

裕不令兄弟交相為瘡
綽綽寬也裕饒瘡病也箋云令善也民

之無良相怨一方
箋云良善也民之意不獲當反之於身思彼所以然

者而怨之無善心之人
則徒居一處怨恚之
受爵不讓至于已斯

亡爵祿不以相讓故怨禍及之比周而黨愈
少鄙爭而名愈辱求安而身愈危箋云斯

也此老馬反為駒不顧其後
已老矣而孫童慢也

見老人反侮慢之遇之如幼稚不自
顧念後至年老人之遇已亦將然
如食宜

軀如酌乳取
軀飽也箋云王如食老者則宜令之飽如飲老者則當孔取乳

取謂度其所勝多少凡器之孔其量大小不
同老者氣力弱故取義焉王有族食族燕之

禮毋教猱升木如塗塗附
猱猿屬塗泥附著也箋云毋禁辭猱

之性善登木若教使其為之必也附木掙也
塗之性善著木若以塗附其著亦必也以喻

人之心皆有仁
君子有微猷小人與屬
微美也箋

云猷道也君子有美道以得聲譽則小人亦
樂與之而自連屬焉今無良之人相怨王不

教之
兩雪瀼瀼見覘曰消
覘曰氣也箋云兩雪之盛瀼瀼然至

日將出其氣始見人則皆稱曰雪今消釋矣
喻小人雖多王若欲興善政則天下聞之莫

不曰小人今誅滅矣其所以然
者人心皆樂善王不啓教之耳
莫肯下遺式

居婁驕

也。今王不以善政啓小人之心，則無

見現曰流

流流而夫也

如蠻如髦，我是用

憂

蠻南蠻也，髦夷髦也。箋云：今小人之行如夷狄而王不能變化之，我用是為大憂也。

鬻西夷，別名武王伐紂，其等有八國從焉。

角弓八章章四句

苑柳刺幽王也。暴虐無親而刑罰不中，諸侯

皆不欲朝，言王者之不可朝事也。

有苑者柳不尚息焉

興也。苑茂木也。箋云：尚庶幾也。有苑然枝葉茂

乎，興者喻王有盛德，則天下皆庶幾願往朝焉。

焉。變今

上帝甚蹈無自暱焉

踏動暱近也。箋云：踏讀曰悼，上

帝乎者，懇之也。今幽王暴虐，不可以朝事甚，使人心悼，病是以不從而近之，釋已所以

不朝之意。俾予靖之後，予極焉

靖治極至也。箋云：靖謀，俾使極誅也。

假使我朝王王留我，使我謀政事，王信讒不察功，孝績後反誅放我，是言王刑罰不中，不

可朝事也。

有苑者柳不尚帽焉

帽息也。

上帝甚蹈無

自瘵焉

瘵疾也。箋云：瘵接也。

俾予靖之後，予邁焉

邁行也。箋云：邁行

也行亦放也春秋傳曰予將行也有鳥高飛亦傳于天彼人

之心于何其臻箋云薄臻皆至也彼人斥幽

幽王之心於何所至乎言其轉側無常人不知其所屆曷予靖之居以

凶矜曷何矜危也箋云王何為使我謀之隨

苑柳三章章六句

都人士周人刺服無常也古者長民衣服不

貳從容有常以齊其民則民德壹傷今不復

見古人也服謂冠弁衣裳也古者明王時也

無常謂之貳從容謂休燕也休燕猶有常服則朝夕明矣壹者專也同也

彼都人士狐裘黃黃其容不改出言有章彼

明王也箋云城郭之域曰都古明王時都人之有士行者冬則衣狐裘黃黃然取溫裕而已其動作容貌既有常吐口言語又有

法度文章疾今奢淫不自責以過差行歸

于周萬民所望周忠信也箋云于於也都人之士所行要歸於忠信其餘

萬民寡職者咸瞻望而彼都人士臺笠緇撮

法倣之又疾今不然臺所以禦暑笠所以禦雨也緇撮緇布冠也

箋云臺夫須也都人之士以臺皮為笠緇布為冠明王之彼君子女綢直如髮

識

歸

君子女者謂鄰人之家女也其情性密
綴操行正直如髮之本末無隆殺也
我不

見兮我心不說箋云疾時皆奢淫我不復見
今士女之然者心思之而憂

也彼都人士充耳琇實琇美石也箋云言以
美石為瑱瑱塞耳

彼君子女謂之尹吉尹正也箋云吉讀為姑
尹氏姑氏周室昏姻之

舊姓也人見鄰人之家女咸謂
之尹氏姑氏之女言有禮法
我不見兮我

心蕤結箋云蕤猶彼都人士垂帶而厲彼君

子女卷髮如蠶厲帶之垂者箋云而亦如也
而厲如鞶厲也鞶必垂厲以

為飾厲字當作裂蠶螿蟲也尾
未捷然似婦人髮束曲上卷然
我不見兮言

從之邁箋云言亦我也邁行也我今不見士
女此飾心思之欲從之行言已憂悶

求自古人匪伊垂之帶則有餘匪伊卷之髮則

有旗旗揚也箋云伊辭也此言士非故垂此
帶也帶於禮自當有餘也女非故卷此

髮也髮於禮自當有旗
也旗枝旗揚起者也
我不見兮云何盱矣

箋云盱病也思之甚
云何乎我今已病也

都人士五章章六句

采芣刺怨曠也幽王之時多怨曠者也怨曠
者君

于行役過時之所由也而刺之也譏其
不但憂思而已欲從君子於外非禮也

者

終朝采綠不盈一掬

與也自旦及食時為終朝兩手曰掬箋云綠王

芻也易得之菜也終朝采之而不滿手怨曠之其憂思不專於事

予髮曲局

薄言歸沐

局卷也婦人夫不在則不飾箋云言我也禮婦人在夫家并象并今

曲卷其髮憂思之甚也有云君子將歸者我則沐以待之

終朝采藍不盈

一檐

衣蔽前謂之檐箋云藍染草也

五日為期六日不檐

至

也婦人五日一御箋云婦人過於時乃怨曠五日六日者五月之日六月之日也期至五月而歸今六月猶

不至是以憂思

之子于狩言張其弓之子

于釣言綸之繩

箋云之子是子也謂其君子也手往也綸釣繳也君子往

狩與我當從之為之繳今怨曠自恨初行時不然從之為之繩繳今怨曠自恨初行時不然

其釣維何維魴及鱖維魴及鱖薄言觀者

箋云

觀多也此美其君子之有技藝也釣必得魴鱖魴鱖是云其多者耳其衆雜魚乃衆矣

采芣四章章四句

采芣刺幽王也不能膏潤天下卿士不能行

召伯之職焉

陳宣王之德召伯之功以刺幽王及其臣廢此恩澤事業也

芄芄黍苗陰雨膏之

興也芄芄長大貌箋云與者喻天下之民如黍

苗然宣王能以恩澤養育之亦如天之有陰雨之潤澤矣

悠悠南行召伯

勞之邑以定申伯之國將徒役南行衆多悠
悠然召伯則能勞來勸說以先之
我任我輦我車我牛我行

既集蓋云歸哉任者輦者車者牛者箋云集猶成也蓋猶皆也營謝轉輝

之役有負任者有輓輦者有將車者有牽傍牛者其所為南行之事既成召伯則皆告之

云可歸哉刺今王使民行役曾無休止時
我徒我御我師我旅我

行既集蓋云歸處徒行者御車者師者旅者

以兵衆行其士卒有步行者有御兵車者五百人為旅五旅為師春秋傳曰諸侯之制君

行師從卿行旅從
肅肅謝功召伯營之烈烈征師召

伯成之謝邑也箋云肅肅嚴正之貌營治也烈烈威武貌征行也美召伯治謝邑

則使之嚴正將師旅行則有威武也
原隰既平泉流既清召伯

有成王心則寧土治曰平水治曰清箋云召伯營謝邑相其原隰之宜通

其水泉之利此功既成宣王之心則安也又刺今王臣無成功而亦心安

黍苗五章章四句

隰桑刺幽王也小人在位君子在野思見君

子盡心以事之

隰桑有阿其葉有難興也阿然美貌難然盛貌有以利人也箋云隰

中之桑枝條阿阿然長美其葉又茂盛可以
 庇蔭人興者喻時賢人君子不用而野處有
 覆養之德也正以隰桑興者反求此義則原
 上之桑枝葉不能然以刺侍小人在位無德
 於民既見君子其樂如何箋云思在野之君子
 無度隰桑有阿其葉有沃沃柔也既見君子云何
 不樂隰桑有阿其葉有幽幽黑也既見君子德
 音孔膠膠固也箋云君子在位民附心乎愛
 矣遐不謂矣中心臧之何日忘之箋云遐遠謂勤臧善
 也我心愛此君子君子雖遠在野豈能不勤
 思之乎直思之也我心善此君子又誠不能

忘也孔子曰愛之能勿勞乎忠焉能勿誨乎

隰桑四章章四句

白華周人刺幽后也幽王取申女以為后又
 得褒姒而黜申后故下國化之以妾為妻以
 孽代宗而王弗能治周人為之作是詩也申
 姓之國也褒姒褒人所入之女姒其字也是
 謂幽后孽支庶也宗適子也王不能治已不
 正故也

白華菅兮白茅束兮與也白華野菅也已漚為菅箋云人刈白華於

野已漚名之為菅菅柔忍中用矣而更取白
茅收束之茅比於白華為脆與者喻王取后
於申申后禮儀備任妃后之事而
更納褒姒褒姒為孽將至滅國
之子之遠

俾我獨兮箋云之子斥幽王也俾使也王之遠外我不復答耦我意欲使我獨

也老而無子曰獨後褒姒諧申后之子宜谷宜谷奔申英英白雲露彼

菅茅英英白雲貌露亦有雲言天地之氣無微不著無不覆養箋云白雲下露養彼

可以為菅之茅使與白華之菅可相亂易猶天下妖氣生褒姒使申后見黜天步

艱難之子不猶步行猶可也箋云猶圖也天行此艱難之妖久矣王不圖

其變之所由爾昔夏之衰有二龍之妖卜截其發周厲王發而觀之化為玄龜童女遇之

當宜王時而生女懼而棄之後廢於有獄而入之幽王幽王變之是謂褒姒漚池

北流浸彼稻田彪流貌箋云池水之澤浸潤於申后漚池之不如嘯歌傷懷念彼碩人箋

豐鎬之間水皆北流碩大也妖大之人謂褒姒也申后見黜褒姒之所為故憂傷而念之樵彼桑薪

乙 印烘于煤印我烘燎也煤炷竈也桑薪宜以養人者也箋云人之憔悴彼桑薪

宜以炊爨饋之費以養食人桑薪薪之善者也我反以燎於炷竈用炷事物而已喻王始

以禮取申后申后禮儀備今反黜之使為卑賤之事亦猶是維彼碩人實

勞我心鼓鍾于宮聲聞于外有諸宮中必形見於外箋云王

勞我心鼓鍾于宮聲聞于外有諸宮中必形見於外箋云王

失禮於內而下國聞知而化之王弗能浴如
鳴鼓鍾於宮中而欲外人不聞亦不可止

念子懌懌視我邁邁邁邁不說也箋云此言

操操然欲諫正之王有鷺在梁有鶴在林
反不說於其所言鷺

鷺也箋云鷺也鶴也皆以魚為美食者也鷺
之性貪惡而今在梁鶴性絮白而反在林興

者王養婁妙而餒維彼碩人實勞我心鴛鴦
申后近惡而遠善

在梁戢其左翼箋云戢斂也斂左翼者謂以

以翼知之右掩左雄左掩右雌陰陽相下之
義也夫婦之道亦以禮義相下以成室家道

之子無良二三其德箋云良善也王無答耦

怨曠志令我有扁斯石履之卑兮扁扁乘石貌土

王后出入之禮與王同其行登車亦履
石申后始時亦然今也見黜而卑賤

之遠俾我疢兮疢病也箋云王之遠

白華八章章四句

繇蠻微臣刺亂也大臣不用仁心遺忘微賤

不肯飲食教載之故作是詩也微臣謂士也

行出土為末介士之祿薄或因乏於資賤則
當賙贍之幽王之時國亂禮廢恩薄大不念
小尊不恤賤故本其亂而刺之

縣蠻黃鳥止于丘阿

典也縣蠻小鳥貌丘阿曲阿也鳥止於阿人止

於仁箋云止謂飛行所止託也興者小鳥知止於丘之曲阿靜安之處而託息焉喻小臣擇卿大夫有仁厚之德者而依屬焉

道之云遠我勞如何飲之

箋云在國依屬

食之教之誨之命彼後車謂之載之
於卿大夫之仁者至於為末介從而行道路遠矣我罷勞則卿大夫之恩宜如何乎渴則予之飲飢則予之食事未至則豫教之臨事則誨之車敗則命後車載之後車伴車也

縣蠻黃鳥止于丘隅

箋云丘隅丘角也

豈敢憚行畏

不能趨

箋云憚難也我罷勞車又敗豈敢難徒行乎畏不能及時疾至也

飲

之食之教之誨之命彼後車謂之載之縣蠻

黃鳥止于丘側

箋云丘側丘旁也

豈敢憚行畏不能

極

箋云極至也

飲之食之教之誨之命彼後車謂

之載之

縣蠻三章章八句

瓠葉大夫刺幽王也上棄禮而不能行雖有

牲牢饗餼不肯用也故思古之人不以微薄

廢禮焉

牛羊豕為牲繫養者曰牢熟曰饗腥曰餼生曰牽不肯用者自養厚而薄

於賓客

幡幡瓠葉采之烹之君子有酒酌言嘗之

瓠葉貌庶人之菜也箋云烹熟也熟瓠葉者以為飲酒之菹也此君子謂庶人之有賢行者也其農功畢乃為酒漿以合朋友習禮講道藝也酒既成先與父兄室人烹瓠葉而飲之所以急和親親也飲酒而曰嘗者以其為之主於賓客賓客則加之以羞易兌象曰君子以朋有兔斯首炮之君子有酒酌言獻之毛曰炮加火曰燔獻奏也箋云斯白也今俗語斯白之字作鮮齊魯之間聲相近斯有兔白首者兔之少者也炮之燔之者將以為為飲酒之羞也飲酒之禮既奏酒於賓

乃薦羞每酌言言者禮不下庶人庶人依士禮立賓主為酌名有兔斯首燔

之炙之君子有酒酌言酢之炆火曰炙酢報也箋云報者賓

既卒爵洗而酌主人也凡治兔之法宜鮮者毛炮之柔者炙之乾者燔之有兔斯

首燔之炮之君子有酒酌言醕之醕道飲也箋云主人

既卒酢爵又酌自飲卒爵復酌進賓猶今俗人勸酒

瓠葉四章章四句

漸漸之石下國刺幽王也戎狄叛之荆舒不

至乃命將率東征役人久病於外故作是詩

也荆謂楚也舒舒鳩舒鄧舒庸之屬役人謂士卒也

漸漸之石維其高矣山川悠遠維其勞矣漸漸

山石高峻箋云山石漸漸然高峻不可登而上喻戎狄衆疆而無禮義不可得而伐也山川者荆舒之國所處也其道里長

遠邦域又勞勞廣闊言不可卒服武人東征

不皇朝矣箋云武人謂將率也皇王也將率受王命東行而征伐役人罷病必

不能正荆舒使之朝於王漸漸之石維其卒矣山川悠遠

曷其沒矣卒竟沒盡也箋云卒者崔嵬也謂山巔之末也曷何也廣闊之處何時其可

武人東征不皇出矣箋云不能正之令出使聘問於

有豕白蹄烝涉波矣豕豬也蹄蹄也將又雨則豕烝進涉波水

箋云烝衆也豕之性能水又唐突難禁制四蹄皆白曰駭則白蹄其尤躁疾者今離其繒

牧之處與衆豕涉入水之波矣漣喻荆舒之人勇悍捷敏其君猶白蹄之豕也乃率其民

臣去禮義之安而居亂亡月離于畢俾滂沱

矣畢喝也月離陰星則雨箋云將有大雨徵氣先見於天以言荆舒之叛崩漸亦由王

出也豕既涉波今又雨武人東征不皇他矣

箋云不能正之令其守職不于王命

漸漸之石三章章六句

苕之華大夫閔時也幽王之時西戎東夷交

侵中國師旅並起因之以饑饉君子閔周室

之將亡傷已逢之故作是詩也師旅並起者

或出旅以助王距戎與夷也大夫將師出見戎夷之侵周而閔之已今當其難自傷近危

亡

苕之華芸其黃矣興也苕陵苕也將落則黃

與者陵苕之幹喻京師也其華猶諸夏也故或謂諸夏為諸華華衰則黃猶諸侯之師

旅罷病將敗敗則京師孤弱心之憂矣維其傷矣箋云傷者謂國

日見侵削苕之華其葉青青華落蕪菁菁然箋云京師以諸夏為鄣蔽

今陵苕之華衰而葉見青青然知我如此不

如無生箋云我我王也知王之為政如此則已之生不如不生也自傷逢今世之

難憂悶牂羊墳首三星在罍羊牝曰牂也墳大也罍曲梁也

寡婦之笱也牂羊墳首言無是道也三星在罍言不可久也箋云無是道者喻周已衰求

其復興不可得也言不可久者喻周將亡如心星之光耀見於魚笱之中其去須臾耳也

人可以食鮮可以飽治日少而亂曰多箋云

皆可以食矣時饑饉軍興糧亦乏少無可以飽之者

茗之華三章章四句

何草不黃下國刺幽王也四夷交侵中國持
叛用兵不息視民如禽獸君子憂之故作是
詩也

何草不黃何日不行

箋云用兵不息軍旅自
歲始草生而出至歲晚

矣何草而不黃乎言草皆黃也於是下
國將率何日不行乎言常行勞苦之甚何人

不將經營四方

言萬民無
不從役者

何草不玄何人不

於必玄於此時也兵猶復行老無妻曰於從

役者皆過時不
得歸故謂之於

哀我征夫獨為匪民

箋云征
夫從役

者也古者師出不踰時所以厚民之性也
今則草玄至於黃黃至於玄此豈非民乎

兕匪虎率彼曠野

兕虎野獸也曠空也
箋云兕虎比戰士也

哀我

征夫朝夕不暇有芄者狐率彼幽草有棧之

車行彼周道

芄小獸貌棧車役車也箋云狐
草行草止故以此棧車輦車

何草不黃四章章四句

魚藻之什十四篇六十二章三百九十六

二句

毛詩卷第十五

毛詩卷第十六

文王之什 詒訓傳第二十三

毛詩大雅

鄭氏箋

文王文王受命作周也

受命受天命而王天下制立周邦

文王在上於昭于天

昭見也箋云文王初為

西伯有功於民其德著見於天故天命之以為王使君天下也崩謚曰文周雖舊

邦其命維新

乃新在文王也箋云大王率來

未有天命至文王而有周不顯帝命不時

受命信新者美之也